



Sumiiffinni aalajangersimasuni KNI A/S-ip pisiniarfiutai akilersinnaasumik ingerlasinnaasut pillugit Naalackersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. Pisiniarfiit taakku nioqqutissanik pilersuinissamut pisortaniit kiffartuussinissamut isumaqatigiissuteqarnissamut pisussaaffeqarunnaassapput. UPA2025 nallertinnagu nalunaarusiaq agguanneqassaaq.

(Inatsisartunut ilaasortaq Aqqalu C. Jerimiassen, Atassut)

Inatsisartunut ilaasortaq Aqqalu C. Jerimiassen Atassut sinnerlugu siunnersuutigisarnut qujanaq siunnersuutigisarnullu Naleqqamiit imatut oqaaseqaateqassaagut.

Siunnersuuteqarnissinni KNI A/S pisiniarfii akilersinnaasumik ingerlasinnaasut pillugit Naalackersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut saqqummiussat, pisiniarfiit nioqqutissanik pilersuinissamut pisortaniit kiffartuussinissamut isumaqatigiissuseqarnissamut pisussaaffeqarunnaassasut oqaatigaat, tamannalu pillugu Inatsisartut upernaakkut 2025-imi ataatsimiinneranni nalunaarusiaq agguanneqassasoq siunnersuummi allaqqavoq.

Siunnersuuteqartutuut nammineq siulittaasoqarfimmiipputit taamaammat paasisinnaangilara upernaamut ataatsimiittusnaanata Inatsisartunut qinersisoqartusnaanera peqqutigalugu suliaq una kiviinnartusasoq taamatut qulequtaqartoq, arlaatigut siulittaasoqarfimmi siunnersuutit allat arlallit taamatut immikkut uani ataatsimiinitsinni uggornaraluartumik iluatinnaateqartut kiviinnartussarpasuit ilagilermassuk. Siunnersuut una qinersiviup ingerlanerani aaqqeeriartigisassat ilaattut suliassaqqitorsuugaluartoq maanna kiviinnartussanngorpoq, Naalackersuisooqatigiit ajornartorsiutaasumut aaqqiinaveersaaffigisaasa ilagilluinnarmassuk isorliunerusuni nunaqarfinnilu pilersuineq ajorluinnartoq ataatsimut aaqqiiffigniarlugu suliniuteqartoqanngimmat uggornaraluartumik.

Siunnersuut uggornaraluartumik kiviinnartussangortoq inissiffiugaluartoq arlaatigut KNI A/S aaqqiiffigniarneqarnissaanut iliuuseqanngitsoornikuuneq Naleqqaminngaaniit uggoreqqarput,



tassami aaqqiissutissanik qaqileriuaraluernerit qinersivimmi uani kinguarsarneqaannarsimmata misissuinerpassuit innersuuttaaginnarlugit nipangersarneqartuarsimagatta uggornaqaaq.

Siunnersuuteqartup ujartugaa qiviassagaanni Naleqqamiit isumaqarpugut KNI A/S ataatsimut tamaat aaqqiiffiginiarnissaanut suliaqartariaqartugut, siunnersuuteqartutut ajornartorsiutaasut ataasiakkaat siunissami qaninnerusumut aaqqiigallarnerusussatut kisimik isiginagit ataatsimut taamaat isigalugu aaqqissuusisariaqartugut Naleqqamiit isumaqaratta.

Uanimi pisortat pilersuisussaananerit pineqaraluarpoq taamatullu pisortat kiffartuussinissaat pineqaraluarpoq, kisiannili ukiuni arlaqalerluni KNI A/S ingerlanneqarnera taamaattussaannartut isigineqarluni isorluniunerusuni nunaqarfinnilu ingerlanerliornerujussuat akit ingasattajaartumik amiilaarnarsiinnartumik inissisimalersimasut sulisut tamaviaaraluartut kiffartuussineq ajorsilluinnarsimavoq, Naalakkersuinikkut aaqqiiniarnissamut soqutigittaanneq annertoorujussuummat isorliunerusut nunaqarfiillu atugaat pineqaleraangata taamaammatt siunnersuuteqartup ujartuina uggornaraluartumik Naalakkersuisut uani qinersivimmi iliuseqarfiginngitsooqitaat eqqartoqqipparput, neriuppungalu qinersiviup tulliani tamakkiisumik aaqqiissuteqarfiginissaanut oqaluinnarani misissuiinnarani aaqqiisoqarnissaanik siunnerfeqartumik aaqqissuusisoqassasoq, ilami KNI-imi pisut tupinnartorpassuupput atuisut akilersugarpassui amiilaarnarsiinnarput, taamaammallu aaqqiisoqartariaqarpoq nutaamik eqqarsarluni iliuseqartoqarnissaa avaqqussinnaangilarput qinersisoqariitsiarnerani suliarigasuarneqartariaqarluinnartunik.

KNI A/S pillugu ataatsimut tamaat aaqqiiffiginiarlugu sulinissaq pingaaruteqarpoq ataasiakkaat kisimik isiginagit, suliarilluagaasumik kisitsisit pigeriikkat aallaavigalugit aningaasatigit inuit nikerarneri sumiinneri nikittarneri ilanngullugit nunap sumiiffii pilersuiffiusussat aaqqissuusiffigisariaqalerput maannakkut ingerlariaaseq ingerlatiinnarneqarsinnaanngilaq KNI A/S ingerlatseriaasia naleqqussaaffigisariaqarluinnarpoq.

Taamatullu pisortat ingerlatsiniarnerat aammalu Namminersortut ingerlatsinerat innarlerneqartaqisoq pilersorneqarnerat pisortat ingerlatsiviini ilanngullugu aaqqiiffiginiarfigisassaapput innuttaasut sumiluunniit najugaqaraluarpata nioqqutissanik



pisariaqartunik pilersorneqarnissaat pisariaqarluinnarmat pilersuisussaanermut allattorsimasut ikeqisut ullutsinnut naleqqukkunnaartut ilanngullugit nalilersuinnarnagit naleqqussartariaqarluinnartut Naleqqamiit isumaqarfigaagut aaqqiffigisariaqarluinnalersut sapigaqartut nioqqutissanik pisaqaritaqartitsisartut taamatullu akit akikinnerusut ilanngullugit pilersuisussaneq naleqqussartariaqarluinnaleqqammat.

Namminersortut periarfissaqarnerulernissaat Naleqqamiit pingaartitarilluinnakkatta ilagaat taamaammat aaqqissuusseqqinnermi pitsaasumik innuttaasunut kiffartuussineq anguniarnerani namminersortut ingerlatsinerusinnaanerit aqutissiorneqarnissaa tapersersortariaqartut ilagaat aammalu periutsinik sinaakkutinillu pitsaasunik namminersortunut aaqqissuussinissat ilanngullugit aaqqissuussiffiginissaat, taamaammat pingaaruteqartorujussuusoq Naleqqamiit qaqileriffiuarsimasatta ilagaat, tamannalu aamma tusaaneqariartuinnartoq maluginiartaratsigu Naleqqamiit nuannaarutigeqaarput, ilami Naleqqami nunap inuisa pisinnaanerat peqataarusunnerallu tusaallugu naleqqussaaniartuugatta tamanna namminermini tupinnarpallaanngilaq.

Taamatullu namminersortut toqqannaq aallaqqaammut aningaasaliiffigalugu ingerlatsilerfigerusunngisaat eqqarsaatigalugu arlaatigut aaqqissuussinissaq pisariaqarpoq qanoruna iliornikkut nammineq akilersinnaasunngorlugit ingerlasinnaalerunissaat anguniarlutigu pilersaarusiornissarput eqqarsaatigalugu taamaasillugu aamma siunissami namminersortut nammineq ingerlatsinerumalernissaat aqutissiorneqarniassammat qanoq iliuuserfigisariaqartorpassuit ilagaat.

KNI A/S aaqqissuussiffigeqqinnagu pilersaaruisorfiginagu Naalackersuinikkut innarlerneqarsimavoq, siornatigut millionerpassuarnik taperneqartarsimavoq tapiissutigineqartartut piiarneqarsimapput, qanoq iliuusissanik aaqqissuusseqaarani taamaammat maannakkut torrallannissaa piffissanngorpoq. Nioqqutissanik pilersuina ajorluinnarpoq nioqqutissat akii amiilaarnarsiinarput ullutsinnut naleqqutinngitsumik innuttaasut Pilersuisoqarfinni mittataapput, tamanna akuerineqarsinnaanngilluinnarpoq qaangerniartariqarluinnalerparput.



Qaanaap eqqaani Qeqertani Naajaani kiisalu Upernaviup eqqaani Nutaarmiuni pisiniarfiliortoqarnissaa Naleqqamiit 2019-imili ilungersuutigisaarpagut, tassanilu qinersivik 2018-2021-imi ulluinnarni atortussanik pisiniarfimmi pisinissaq ukiuni tulluittuni periarfissaalerniaraluarluni.

Taamani Inuussutissaqarnermut aatsitassaqarnermullu naalakkersuisuusimasup, Jens Frederik Nielsenip Demokraatiniit Naleqqamit uannut tassalu Jens Napaattuumut akissuteqaatimini pilersaaruteqaratik ajoraluartumik akinikuupput, tamannalu uniffiginagu qaqileriuarnitsinni aningaasamut inatsimmi ilaalernikuugaluartoq ilungersuutigisaaraluarparput, suliat malillugit ingerlassasut tupinnaraluartumillu aningaasaliissutaasimasut malillugit sanaartortoqangilaq, tamatuma aamma takuteqqiinnarpaa isorliunerusut pillugit politikkeqangilluinnartoqarnera, allaat ullutsinni ukioq 2025-imi sumiiffiit arlallit pisiniarfeqanginnerat allaat soqutigineqangilaq tamannalu uagut Naleqqamiit akuersaarsinnaangilluinnarparput amerlanerussuteqartut pisiniarfiliornaveersaartuarnarat inuit naligiinnerulernissatsinnik oqaluffiginnguarlugit ilaat isiginnaaginnarpaat pisiniarfeqangitsut, uagut tamanna Naleqqamiit akuerisinnaangilluinnaratsigu iluatsillugu uani aamma pissusissamisoortumik KNI A/S pineqarmat oqaasertalilaarparput.

Siunnersuummut taamatut oqaaseqarluta aammaarluta oqaatigeqqiinnassuarput uggornaqaaq siunnersuut una siunnersuuterpassuit allat assigalugit kiviinnartussanngormat aammalu siunnersuutip imarisaa ataasiakaaginnarnut tunngasuusooq tamanut aaqqissutaanerunissaa uagut Naleqqamiit isumaqarfigalugit anguniagaqarfiusariaqartoq oqariartuutigisarpur neriuutigaarput paasinarluartoq

qujanaq